





5. 4. 472

5-6-472

6

200

۱۰۰



APUD IOANNEM BAPTISTAM STECCHI.



SUPERIORIBUS PERMITTENTIBUS.

5. 10. 1772



*Deputemus intelligentiam da-
tam, quasi pecuniam mutua-
tam; quo plus nobis credi-
tur ex benignitate; eo de-
bitores amplius tenemur in
opere.*

Gregor. in Moral.





DISSERTATIO

P R I M A.



UM mei muneris sit proponere morborum historias ad eas interpretandas, & examinandas; ut facilius per vos curationes rite recteque perficiantur: non abs re erit, si hac dominante Epidemia, in qua VARIOLARUM contagium per aëra serpens indefinenter grassatur, ipso dicendi aditu, talem vobis proponam morbum, ut ad examen revocetis constitutionem istam, nimis saepe invaden.

dentem , bono publico officientem , & civitates aequae ac rura vastantem . Scire debetis nullum malum Rebuspublicis , & Principatibus reperiri posse nocentius , quam quod depopulationem infert , multitudinemque tollit , vel imminuit gentium . Fames auro , argentoque redimitur : belli damna pace restaurantur : paupertati pietate subvenitur : commercia fracta consilio recuperantur . At defectui colonorum , plebis & civium , aetates tantum hominum , & longa temporis spatia remedio sunt . Hinc optime consultum a Rectoribus , & Principibus providere , legesque condere , per quas incolantur Provinciae , eaeque multitudine habitantium frequententur . Nostris hisce fere proximis temporibus in exemplum est Hollandia ; quae paupertatem , & tristes labores exuta , hoc uno consilio ad tantam felicitatem , tantamque gloriam , & famam brevi temporis spatio evecta est : ut non nisi cum Regnis de Maiestate certare , & cum maximorum Principum potentia conferri possit . Si itaque sola multitudine populorum divitiae augentur , Regum & Rerumpublicarum dignitas sustentatur ; an qui morbus depopulatur civitates , comitatus , & agros , non erit bono publico in-

inensibilissimus, atque invidentissimus? Ut verti fatear, non video quid huic possit comparari nocentius. Pestis namque ipsa, in qua iura humana aequae ac divina corruunt omnia; in qua quicquid est reverentia dignum negligitur; in qua culmen reperitur calamitatis aerumnarumque, visu & auditu deforme, minime cum Variolarum morbo debet comparari. Etenim non saevit illa in Civitates, & Provincias, nisi per longissimos temporum tractus; si tamen quasdam excipiam gentes, quae barbarie involutae, & sordidis moribus communicantes invicem, malorum hanc quasi fecem vitae fordibus adhaerescientem, & ineluibilem, servant: quod permittit vindex Deus, non tantum ad propria, domesticaque delenda facinora; verumetiam ad frangenda scelera eorum, in quos disseminatur, ac spargitur; quasi in depositum asservetur inter perditas gentes, ad perdendas alias perditas, & profligatas gentes. At Variolae, licet prorsus exaruerint (nescio quo fato, vel decursu rerum) statis brevissimis annorum circuitibus revirescunt ac pullulant; adeo ut lethalissimus hic morbus, dum abest, timore compleat animos eorum, qui ipsum non adhuc passi sunt: & dum viget, interimat, jugulet,

let, atque avellat plurimos familiarum furculos, quibus omnis nititur sobolis propagatio. Conferte modo, Auditores, cum Pestis morbo, Variolarum morbum, & advertite, si huius frequens strages possit cum insolita clade Pestis comparari. Tollit illa cuiuscumque aetatis homines; sed ut plurimum in vitae ratione delinquentes: hic in pueros praesertim, & innocentes saevit: multos illa relinquit intemeratos: hic in omnes constanter debacchatur, & furit: illa ex remotis regionibus asportatur, & saepe per vigilum incuriam, & indiligentiam excubiarum irrepit: illa vitari potest, vel fugam arripiendo, vel conversationes prorsus vitando: at huius morbi semina nobiscum ingenerantur, atque innascuntur. Accedit quod in Peste, domus, vici, & civitates lamentationibus, plangoribus, & fletibus complentur. Verum (proh scelus hominum detestabile!) in Variolarum morbo, quibus parva est res familiaris, dicunt Mortem ipsam mendicitati succurrere: neque anguntur animo, neque horrent infandum illud sacrificium, quo filii morbi incendio combusti pereunt, & concremati. At cui placuit perdere Lepream; placeat aliquando hunc perdere morbum spurcum, aequae ac pernicio-

ciosissimum ; cuius nulla apud principes
Medicinae praeceptores mentio est : cuius-
que perpetua continuatio alias videretur
aeternam debilitare Providentiam ; quae ad
Universi maiestatem ; crescendi , & multi-
plicandi legem illam solemnem , solemnem il-
la exorientis orbis Die , constituit , atque
sancivit . Nos tamen , qui humili semper
mente venerari Dei iudicia , qui certo consi-
lio rerum universitatem gubernat regitque ,
nunquam tamen scrutari debemus ; quia
Deus absconditus , & nubes in circuitu Eius ,
& caligo infinita est ; qua mentis ipsa acies
contemplatione obrunditur , atque excaeca-
tur , minime debemus in arcana Divinitatis
inquirere ; quaecunque tamen artis nostrae
sunt , procurare , & administrare . Verum
enimvero cum plura ea sint , quae de morbi
huiusce causis , & curatione superioris aetatis
tradidere Medici ; non necesse habeo iterum
omnia referre , quae faciant ad morbi exa-
men , & medelam . Una tamen haec est ra-
tio , unde placet sermonem instituere ; quia
scilicet , cum aliquantulum defecisse mihi
videantur , qui Variolas examinaverunt , ac
tractaverunt ; minime reticenda sint [quam-
vis perpaucula] quae ipse Ratione , & Ex-
perientia perceperim . Neque ob id inuren-

B

dum

dum mihi esse crimen temeritatis arbitror : etenim non tam quae gravis incumbit necessitas ipsa me loqui cogit ; verum etiam rei difficultas , & hominum cuiuscunque temporis in curatione Controversia . Cum itaque de Variolarum permulcenda enormi rabie praecipue ante ipsam invasionem , dicendi cardo maxima ex parte hodie , vertatur ; obnixè precor , ut dum , quantum in me est , salutis , & incolumitati gentium servio , benignas aures dicentis verbis praestetis , atque accommodetis .

VARIOLARUM morbum a sordibus materni sanguinis , quo inquinatur foetus in utero , ducere exordia , apud plurimos Scriptores receptum est . Veruntamen talem sententiam tenentes , dubitare non deberent de illis temporibus , quibus coepit invadere homines : multaque exstare deberent adnotata ab antiquis Medicis solertissimis , & in morborum observationibus , & signis supra recentiores omnes oculatissimis . Etenim cum factum sanctè admodum fuerit , feminas graviditatis temporibus , ideo solitis uteri evacuationibus minime purgari ; quia foetus accretio , & vigor nullo modo praepediatur , ac concidat ; videtis eas Naturae leges , quibus modo devinciuntur homines , ipso

ipſo in Mundi exordio, aequè ſtare debuifſe : & debuifſe primos illos terrarum incolae hanc peccati poenam luere , eo prorsus modo , quo inſequentibus temporibus nati ſubſtinere coguntur . Veruntamen , cum tam gravis morbi nullam aliam habeamus anteriorem informationem , praeter illam , quam Arabes Medici tradidere ; non abs re eſt exiſtimare , vel prorsus novum illis apparuiſſe ; vel antiquis temporibus adeo mitem extitiſſe , ut Artis referre auxilia prorsus fuerit inutile , ac ſupervacaneum : & ſicut certo ſcimus , luem Gallicam ex America in reliquas terrarum partes traductam , primis hominibus infectis , dum adhuc barbaras illas incolerent regiones , nullam intuliſſe moleſtiam : cum vero Europae ſinus iam appellerent , ſummis angoribus , & cruciatibus afflixifſe : & ſcimus pariter novam hanc luem noſtris hiſce temporibus non-nihil mitigatam , nec adeo ſaevam eſſe , ut fere omnes , qui tunc ex ipſa aegrotabant , ſpe ſalutis fruſtrati , & morbi vituperio conſecti venena arripere , & mortem quaſi ipſam ſibi conſciſcere cogerentur : ita credibile ſit , mitiorem anteaſtis temporibus fuiſſe Variolarum morbum . Habeo Scriptores , Hiſpanos , occupata America , Indis ,

B 2

quibus

quibus fuere haëtenus incognitae , communicavisse in hoſtimentum luis venereae inde primum adſportatae .

Novos naſci morbos , qui nunquam fuerint , non cenſeo : cum principia , per quae exoriuntur , admixta extiterint in ipſa hominum complexione ; verum nocendi illis laxatas habenas fuiſſe : quare arbitror , vel per tempora delituiſſe , vel quondam alicubi exiſtiſſe mitiores : & tantum ſuſcepſiſſe incrementa , veneficamque induiſſe naturam inter quarundam Regionum homines , quibus inſiti fuere firmatique . Cum experientia doceamur , Variolarum vim per pluviarum multitudinem enervari , & per quaedam anni tempora debilitari ; ita ut ipſa remiſſio Caloris , vel Frigoris , vel Siccitatis , vel cuiuſdam praecipuae qualitatſ illas infringat , & extenuet ; ratione pariter ad exiſtimandum adducor , per temperatas quaſdam Regiones adeo moderari , ac temperari potuiſſe , ut leniter admodum invadere valuerint , & officere . Id , quod me in ſtuporem rapit , & admirationem , eſt , poſt illarum remiſſionem , & extinctionem , nova & certa periodus , ac comprehenſio : quare prorfus neſciam , an quadam converſione influentium Siderum ; an praecipuorum Ventorum

rum

rum afflatu, iterum per ipsam praecipuam indolem novae affluxae materiei morbus exsuscitetur, & pullulet.

Optabile profecto esset, & summo opere expetendum, nisi veram, saltem verisimilem vobis proponere sententiam, ad hoc, ut tanti momenti res elucesceret, vestraeque omnium intelligentiae satisfaceret. At cum nihil habeat dubitationis Aristotelis effatum dicentis: *quemadmodum vespertilionum oculi ad lumen diei se habent; ita & intellectus animae nostrae ad ea, quae manifestissima omnium sunt*: videtis a me nihil posse referri, quod tantae difficultati explanandae sufficiat, quodque possit grande Naturae mysterium revelare. Hoc certum inter animalem Spiritum, & Materiam reliquam, quasdam nobis penitus abditas esse leges, per quas & ipsa agatur Materia, & ab eadem ipse exagitetur Spiritus. Tali Materiei, & Spiritus nixu, & renixu, tota hominum salus, & animantium sustentatur, ac pendet (si tamen servetur inter Materiam, & Spiritum aequilibrium, quaedamque actionis, & passionis proportio sit:) at si Spiritus plus aequo actuosior inertem Materiam appellat, urgeatque; frangitur, & concidit aequo ac si ipsa Materia ignavum, evani-

evanidum suisque viribus enervatum attingat, vel faciat Spiritum. Huc respiciunt omnia Medicorum monita, & praecepta, quae Ratione primum, & deinde Experientia, vel ad temperandam Materiam, vel ad recreandum, restituendumque Spiritum reperta sunt. Huc respiciunt instituta, juraque ipsa Naturae, quibus laedi vicissim, vicissimque refocillari sentimus.

Per hasce leges hominum generi impositas; quae leges (melius quam Motus, Naturae leges dicendae; cum Natura ipsa sit Motus fons, origoque) a Deo sanctissimo Conditor in rerum exordio ipsi insertae cuicunque Naturae, non tam sanitatis, & vitae; verum aegritudinis, & mortis functiones peraguntur, ac fiunt. Nec alio, ut saniori apparet sententia, Medicorum disceptationes de criticis diebus revocandae videntur, quam ad illam vim legum earundem, quibus Materia, & Spiritus invicem colligantur, & agunt: ita ut quae fiant decisiones morborum citiores, vel tardiores, non aliunde pendeant, deriventque.

Hippocratis temporibus, qui veterum Medicorum observationes, cum sui temporis observationibus conferre vehementius studuit, acuti morbi quatuordecim diebus iudi-

judicabantur : at nostris , quis est qui non videat , hisce tantundem diebus , ut plurimum , eundem similiter servari ordinem , dierumque terminum ? Quocirca ableganda est , & irridenda illorum opinio , qui inconsideratissimae temeritatis plenissimi , audacter queruntur , & lamentantur , quod valde iam sint debilitatae corporum constitutiones ; non advertentes hominibus otio lascivientibus , & voluptatis effervescentiis defatigatis , plurimisque morborum sordibus inquinatis , & infectis eorum feminibus , concidisse ; at nullo modo propriis enervatam viribus defecisse Naturam .

Cum itaque dictis Hippocratis temporibus , qui duobus millibus , & dugentis circiter floruit ab hinc annis ; eadem , quae modo sunt , adamussim Naturae leges fuerint , haecque ab ipsa indole humanae Materiei , humanique Spiritus pendere videantur ; quid prohibet autumari , per quaedam determinata tempora , quemdamque praecipuorum corpusculorum influxum , materiam illam Variolarum noviter accrescere , fermentari , inflari , ac excludi in pustulas : ex quarum diro afflatu , similis quoque aliorum corporum concitetur , atque incendatur Materia ?

De

De atroci hoc morbo Variolarum, cum quaedam iam dixerim, quaedam quoque ad praesentem Dissertationem facientia addenda sunt. At cum ab effectibus melius, & securius de rerum essentia liceat argumentari; id quod huius morbi sit, reducendum videtur ad Venenum quoddam insigniter causticum, atque inurens, quod sua potestate irritat, vellicat, mordicat, incendia februm furentium exsuscitat, inflammat carnes, & deinde, licet plurimis parcat, quosdam tamen devastat, corrodit: & quos occidit, in carbones denigrat siccaturque.

Venenum hoc residere credibile est in quibusdam particulis, seu corpusculis, quae in nutritione, & accretione partibus foetus adiecta sint; & cum sint haec non naturalia, & a principiis foetum componentibus prorsus aliena, inertia remanent, & minime operosa. Cum vero per inspirationem iam nati foetus inquinati aëris fomenta senserint, & per externam illuviem, interna illuvies multo magis accreverit; omnia quae ab Auctoribus enumerata, & ab Experientia patefunt Symptomata, plus, minusve iuxta veneni quantitatem, exsuscitantur, indeque a Natura in pustulas sequestratur, includiturque usquequo in saniam effun-

effundatur, ac diffluat. Quod fi probe fuccedat, convalefcunt aegrotantes: fin autem, vel male ad externa eliminetur loca, vel retrocedat, Compositum omne vitiat, atque follicitat, adeo ut vita aegrotantis periclitetur, vel concidat.

Omnia, quae fparfa in Orbe funt univerfo, venena, intra uniuscuiusque corpus agere & produci poffe, meliores Medici confentiunt omnes: etenim cum ex diverfis, & innumerabilibus Principiis formati fimus, & coagmentati, & horum Principiorum actiones fiant a Spiritu, & a mutua, atque alterna ipforum fluiditate, qua invicem feipfa pervadant, contemperent, & in aequilibrium affervent; videtis quod fi a naturali ftatu ea dimoveantur, morbos parere; & fi recedant magnopere, illam, quam dicimus venenatam, interficientemque induere debere naturam. Hanc doctrinam incorruptam edocuit omnibus Medicis Hippocrates, fic dicens in libro qui eft de veteri Medicina „ *Ineft in bo-*
„ mine & amarum, & falum, & dulce,
„ & acidum, & acerbum, & fluidum,
„ & alia infnita omnigenas facultates ha-
„ bentia, copiamque & robur. Atque
„ haec quidem iuxta ac inter fe tempe-
„ rata,

C

„ rata , neque conspicua sunt , neque ho-
 „ minem laedunt : ubi vero quid bonum
 „ secretum fuerit , atque ipsum in seipso
 „ fuerit ; tunc & conspicuum est , & ho-
 „ minem laedit . „

In tantum itaque, secundum hanc Hip-
 pocratis sententiam , probabile est quod
 morbi exoriantur in partibus solidis , in-
 quantum scilicet Principiis , & naturalibus
 Componentibus illarum plura similia , vel
 dissimilia corpuscula adiecta sint : quae
 usquequo multitudine , vel potestate pro-
 ximiora superaverint ; & superata sint in-
 vicem , & persisterint talia qualia , nullam
 inferant noxam , etiamsi partibus fuerint
 dissimilia ; uti materia Variolarum , quae
 taliter firmata & disposita , non nocere pos-
 se per aliquod tempus , experientia declar-
 atur : etenim nec quae Lentiginum mate-
 ria , nec quae alia diversae speciei stigmata
 efficit , morbos procreare solita est ut plu-
 rimum ; nocere tamen utique , quando alia
 Corpuscula noviter advenerint , & superac-
 creverint , & quae iam erant exsuperantia
 facta ; partium ceteris Principiis immiscue-
 rint sese , motumque conceperint extra-
 neum , quem refrænare potis ipse non sit
 Spiritus . Et probabile similiter videtur ,
 quod

quod ex Liquidorum vitio exoriantur morbi: si quaedam Principia, vel Componentia, vel alia cuiusvis generis admixta, quae fluiditatem habere debebant, concreta fiant, & persistant; ita ut ea neque compescere, neque frangere ipse valeat Spiritus. Cum vero quae concresecunt ex Principiis, & ex Componentibus, vel ex his, quae admixta ipsis sunt, concresecere debeant, & copulari ob aliquam immodicam iacturam Spiritus, qui amissa propria, & naturali sua vi, nequeat illa Corpuscula in debita fluiditate continere: sive facta haec fuerit iactura, ob auctam insensibilem transpirationem; quare quaedam ipsius parsevanuerit [sive ob aliam causam imminutus ipse fractusque maneat Spiritus] hoc probabile mihi videtur, ex iactura Spiritus concretionem hanc Principiorum, & Componentium cuiusvis generis, ipsi tamen iacturae consentaneam, fieri debere: quapropter Spiritus iactura ex quacunque causa, omnium morborum tam in Solidis, quam in Fluidis, & senectutis quoque & mortis origo sit.

Et licet, per ea quae dicta sunt, generatio, & exortus declaretur plurium morborum, qui absque febre sunt; non vero ipsa febris essentia, quae tot adnectitur

morbis ; sciendum est, altum nimis febris esse mysterium : nec posse imbecillum hanc meam opinionem aliquo modo subsistere, absque eo quod declaretur , quomodo febris effectus erumpat ; & varii circuitus, comprehensiones, & circumscriptiones variae, & Corticis etiam Chinae , quo quaedam tolluntur febres, operatio declaretur, ut in meis nuper impressis Dissertationibus indicatum est. Quae omnia cum maiorem animi quietem, & otia requirant , non est huius loci referre : non enim modo febris essentiam , sed venenum Variolarum , & harum curationem inquirere placet , ac examinare . Quod , posito , reliquis, & innumrabilibus principiis nutritionis foetus adiectum fuisse , & praesertim solidis illius partibus infixum , statim ac per aliquam constitutionem aëris referti istiusmodi corpusculis accreverit adeo , ut quae insunt principia componentia virtute superaverit „ *& ipsum in seipso fuerit ; tunc &* „ *conspicuum fit, & hominem laedit .* „

Corpuscula igitur haec insigniter caustica , atque inurentia , similibus particulis, quibus abundet aër cum fuerint aucta, suique facta iuris , ut nequaquam evinci , exaequari , & in quadam inactione a Spiritu,

tu, & ceteris naturalibus Principiis possint contineri; ecce tibi quod veluti a multiplicato fermento, solidorum, & exinde humorum massa fermentatur, agitur, ebullit: & morbus fit bonae indolis, si corpuscula venenum constituentia parum a naturali statu recesserint; malique moris, e contrario, si venenum maximum susceperit incrementum, talemque indolem, quae minime possit a Natura superari.

Morbos plurimos, ac saevissimos ab aëre vitiato, & inquinato, & nonnullis infesto hominum temperamentis, fieri Ratio simul, ac ipsa demonstrat Experientia: etenim cum sint homines, quasi aëris pisces, qui non solis cibis, & potionibus; verum aëris ipsius beneficio alantur, & crescant; non ea tantum laedunt homines, quae per ceteras res nonnaturales errata, sunt; verum quae cum vitiato aëre inspirare coguntur, illis interdum officiant maxime.

At cum actu aegrotantes, & qui aegrotare timent, non de morbis, neque de illorum essentia; veruntamen quibus auxiliantur praesidiis, scire exoptent, ut vel futuram tempestatem cavere, vel praesentem possint effugere: operae pretium est ea innu-

innuere primum , quæ superveniente , & iniecta epidemica hac constitutione procuranda sint ; præfertim cum talis morbus , non plurimos continuo invadat , sed lente extrinsecus adveniat : commoretur tamen ultra quam satis videatur , & ad alios demigret.

Ea idcirco , quæ ad comprimendam frangendamque illius ferocitatem veniunt , modo (quantum humanæ industriæ concessum) consideranda hæc sunt ; vel enim qui tali morbo debet corripì infans est , & lacte vescitur tantummodo : vel iam infantiae tempora excessit . Si lacte nutricis dumtaxat vivitur infans ; cavere debet mulier omnia nimis salsa , & aromatibus condita : sicut acria nimis , quæ Ars , vel Natura suppeditat . Et ideo hoc præstandum ; non quia veneni vis imminuatur , debiliteturque : etenim ut observare potuistis in hac epidemica constitutione , etiam qui nihil in victus ratione deliquerunt , extremam perniciem passi sunt : verum quia ne morbo Variolarum , alter edacitatis morbus , & intemperantiae iungatur . Misereor ipse paupertatis , & mendicitatis quarundam feminarum , quæ allia , & caepas , ceteraque agrestia edulia , & sæpe incocta , ad vitam tradu-

traducendam coguntur assumere : quae deinde cum in lac brevi tempore vertantur, & commutentur, exitiale infantibus praebent alimentum.

Scio sane plurimas mulieres, & quae sunt pauperrimae hoc nutrimento infantes educare assuetas : & scio quasdam, acerrimos fructus, & austeros, sicut & aromata quaedam irritantia, & pungentia ad vitae usum usurpare solitas. Nec ullo modo ideo accusanda Naturae benignitas est, sed laudanda semper, quod talia aromata, talesque fructus producat ad cibos graves, stomachoque difficiles digerendos : verum ipsae feminae arguendae vituperationeque reprehendendae sunt, quod maligna ingruente aliqua influenza, tali quo utuntur victu infantes perdant : vel etiam non ingruente, disturbent eorum corpora, & in illis data opera, convulsiones etiam, & terraemotus excitent. Si esset charitatis, & amoris sensus, deberent profecto, saltem tunc temporis temperare sese, & infantum saluti prospicere. At quantum in gignendo procacitatis, & industriae ; tantumdem magna ex parte in educando indiligentiae, socordiaque invenitur.

Quid dicam modo de vini abusu, in quo

quo sese moderari , non tamen prorsus ab eo abstinere deberent ? Etenim sapientes Antiquitatis Medici , qui vinum dixerunt esse sanguinem terrae ; neque nutricibus , neque pueris illius usum penitus interdixerunt : at summa moderatione , & quam-aquosissimum assumendum voluere . Et hac in re dicendum , quosdam extitisse , non re , & opere , verum rumore tantum Medicos , qui , quasi vini nominis abhorrentes , vinum quibuscunque nutricibus prohibuerunt , physicae rationis ignari , qua intelligitur vinum aqua multa perfusum , aqua sola potentius , & valentius ad nutriendum simul ac ad refrigerandum esse . Aquae siquidem soli non tanta vis inest pervadendi , & percurrendi minimos , & exilissimos canaliculos ; quare debita pernecitate ferantur Liquida ad partium omnium incrementum & alimentum : neque partibus ipsis tanta impertiri potest vis ; unde solitis functionibus peragendis , absque nova aliqua spirituosum liquoris affusione ipsae sufficiant .

Exstat in libro de Aëre , aquis , & locis , qua tales redarguuntur Medici huiusmodi Legislatoris nostri sententia „ *Et*
„ sane censeo melius esse pueris vinum quam-
„ aquosissimum dare : minus enim venas adurit ,
„ ac

ac refeccat . Et in libro de salubri Dieta ,
ait „ Pueri infantes diu sunt calida rigandi ,
„ iisque vinum dilutum exhibendum , quod
„ prorsus tamen frigidum non fit , idque offe-
„ rendum , quod minime ventrem attollit , &
„ flatum creat . Atque haec facienda sunt , quo-
„ minus tentent convulsiones , ipsique crescant ,
„ & melioris coloris fiant .

Quomodo talis efficiatur per vinum ope-
ratio, declaratum est ab insigni viro Nicolao
Falcuccio Florentino ; cuius mors saeculo
XV. publica lamentatione deplorata civium
omnium consulto, maiori hac in Ecclesia iusta
ei perfoluta fuere . Is in illo , qui est de siti
Tractatu, haec protulit : *Vinum, licet sit multae
lymphationis , non intendit humectare corpus ,
sicut facit aqua , & est verum humiditate ma-
defactiva ; sed humiditate substantifica hume-
ctat plusquam aqua , & reaponit partem ero-
ridam deperditam .*

Quod si tali potu infantes praesertim
& pueruli tractandi sunt , annon etiam nu-
tricibus pauxillum vini indulgendum ; cum
plurima iidem abundant , quam continuo
per os eiiciunt , saliva ; cumque ipsorum
partes viscosas , & glutinosas humoribus op-
pleantur , & obruantur , qui exagitari , ac dis-
solvi per vividi lactis influentiam exposcunt ,

D

quo-

quominus convulsionibus, multisque aliis gravissimis morbis, ab humorum visciditate exortis, corripiantur, ut ab Hippocrate alio in loco praeceptum est?

Ad vini interdictum fuere quibus placuit novam forsan adiungere & maiorem insaniam, prohibendo quoque in obsoniis salis usum nutricibus; non alia profecto ratione, nisi vel quod revera sapientiae sale tales Medici orbat; vel quod in illis prorsus evanuerit. Quis enim est qui nescire debeat, lac per talem victus rationem non satis infantes alere; cum obsonia huiusmodi insipida a Natura ipsa respuantur: unde & nutricis vires collabefactari atque infirmari debeant; neque sciat, salem rebus pro anima datum: quare fructus omnes suo praecipuo sale Natura conspergit: & coquendas res sale condire necesse est, ad spiritum rei coquendae retinendum, ne per effervescentiam dissipetur, & avolet?

Priscis illis Anachoretis herbis vesci solitis ad comprimendam & refraenandam membrorum legem semper legi mentis repugnantem; non tantum minime salem, fuisse vetitum, constat; verum *salem interdicer*e ad denotandam feritatem, & quamdam contra homines agrestem immanitatem

tem a Latinis antiquo proverbio usurpatum.

Verum enimvero non liceat mihi hoc in loco insectari foedissimam quorundam Medicorum assentationem, qua divitibus ad usque vitae extremum blandiri volunt ad turpem lucrum aucupandum: nihili existimantes, si qui crescant pueri, tali educati ratione, debiles ac morbosi victuri sint: sique nutrices, quae per paupertatem natorum suorum charitati renunciare usque coguntur; victu non humano, atque insalubri, & conclavibus inclusae in miseram servitutem redigantur; liceat tamen deplorare aequae miseram infantum illorum conditionem, qui acerbitate fructuum, aromatum, & vini nimio usu; vel qui nullo sale, nulloque vino confectum lac assumentes, morborum supervenientium impetu irruptioneque longe periclitantur.

Utrum talis morbus enormis sit omni studio effugiendus, an non, mihi non satis constat. Hoc certum, omnes qui primas excefferunt aetates, a tali adhuc immunes vestigali Naturae, de nimis anxia sollicitudine parentum conqueri, conversationes hominum habere suspectas: timore, ac paviditate compelli; vitaeque usurae semper fatigari. Quod si talem morbum

passi fuissent; iam Gloriam Aeternam bonis, vel saltem Naturae, ac Fortunae melius potuissent perfrui.

Morbo idcirco gravissimo, omnesque, per aetates pertimescendo nullam aliam, Dietam, magis salutarem praestandam esse provisionem arbitror; qua scilicet grassante Epidemia instituitur victus boni nutrimenti, taliaque sint esculenta, & quae per potionem ingeruntur. Vitari debet caseus, & viscosa pulmenta, sicut & aromata, & quae acida, & quae acria, & pungentia omnia: fructus, & praefertim plurima scatentes aciditate interdicendi; sicut & dulcia ad vitae luxum, & pompam comparata. Iuscula & carnes concedendae: sicut & ova, quae, juxta Hippocratis doctrinam, lactis naturam redolent. Modico vini usui aliquid dandum licentiae. Herbae, quae sint aceto consersae videntur permittendae. Victu denique hominibus conveniente, & quantum fieri potest simili, tractandi sunt ante invasionem, & invasionis tempore, ut morbi iniuriae arceantur.

Quae est autem in nonnullis Auctoribus hodie tanta perversitas, ut tot iam, inventis alimoniis, aqua, & herbis, & fructibus; victu scilicet cicurum, vel insectorum, vel agrestium animalium proprio;

mi-

miseri quidam aegrotantes insolente praecepto visitari debeant, & velint! Exercitia talia sint, quae minime sudores provocent: sique tempora anni debitam non tribuant aëri humiditatem, cubicula irrigentur frequenter, quo aër inspiretur humidior. Si enim venenum quid causticum, & inurens est; quae contrariis polent qualitatibus utilitatem non exiguam conferre debent. Sique aliquando in pluviarum multitudine debilitari morbum, & comminui, demonstrat Experientia; qui aër efficitur arte humidior ad veneni vires infringendas conferre debet.

A victus ratione ad castigandas vel praeveniendas Variolarum iniurias, cum iam quaesita ea sint, quae huic morbo; alias superbo, & indomabili; per dietam aptari possint praesidia, restat ut etiam aliquis speciei lac, & praesertim bubulum, per se solum, vel aliis admixtum eduliis, dietae huic coniungatur, & quantum stomacho ipsi sufficiet: quod si lac respuatur, illius vice tantillum butyri per dies offerendum. At si & hoc difficile factu sit, quae ex seminibus parantur emulsiones exhiberi debent: omnia tamen iuxta corporum constitutiones fiant; non enim eadem de-

decora quibuscunque temperamentis hominum : quaedam siquidem sunt, quae quarundam rerum acceptione gaudent ; & quaedam, quae simili pariter acceptione laeduntur .

Prima hac mea Dissertatione ad calcem perducta ; non dubito aliquem satis emunctae naris iam dicta irrifurum . Verum quid contra divini Spiritus eloquium apponi potest , iubentis ante languorem adhibendam Medicinam ? & quod consilium dari potest utilius ad custodiendos praesertim , servandosque infantes , quos lac nutricis morbo iam correptos male nutrit , partim quod per Febrem , & auctam caliditatem ace scat , corrumpatur , adeoque malum & ineptum praebat alimentum : partim quod per Febrem incre scat saepe fitis ? quamobrem ad illam restringendam maiori copia lac sugere coacti , impotentes ad illud digerendum fiant , malaque induatur ipsum qualitate : ex qua , qui pereunt , & si lacte sint victitati solo , tamen extinctorum carbonum , & prunarum speciem referunt .

Haec habui quae innuerem facienda maxime anteaquam tam perniciosus morbus invadat cuiuscunque aetatis homines ; eaque omnia tempore sanitatis omnibus in
prom-

promptu, obviaque. Cum vero iam irruerit morbus, imparatosque occupaverit, Naturae potius benignitas, Roburque implorandum, quam Artis, & Scientiae praesidium: & maxime quod, ut audivistis, quaedam sint corpora, quibus tunc mederi non possit, & quaedam quae mederi respuant, eaque sint praesertim infantium, & adolescentium, de quibus ait perbelle Cicero, facilius in morbos incidunt adolescentes; gravius aegrotant, tristius curantur.

Vobis haec a me relata sint ad quamdam Variolarum generalem informationem, & quasi in exordium, ac veluti seminarium earum rerum, quae dicendae mox veniunt: ita ut singillatim quae probabiliter sit materia, & quae definitio Variolarum; quae historia, & causae, quae curatio per sanguinis missionem, quae per ambientem aërem, quae per potum, quae per victum, quae per Pharmaciam, & Chirurgiam; quae denique ex his illa sit Medici providentia qua iuvare possit, quando Variolae praecipiti furore cuncta hominis disturbaverint, & effraenatius invaserint, magna profecto voluntate ad optima vestra studia dirigenda, in sequentibus vobis aperiam.

DISSERTATIO

S E C U N D A

DE MATERIA, ET DEFINITIONE

VARIOLARUM.



DISSERTATIO

SECUNDA.



Uod dixi in superiore Dissertatione ad praecavendam praesertim VARIOLARUM rabiem ; rabies ipsa talis Epidemicae constitutionis , quae interdum per regiones , diu multumque grassatur ; ad dicendum denuo properare urget , impellitque : partim quod vocem attollere ipsa cogit perniciēs nationum , & gentium : partim quod per huius morbi curationem nulla consistit iam recepta methodus : quare ad miseriam , qua tot vexantur , perturbantur , evertuntur re-

giae aequaliter & plebeiae familiae ; altera maxima accedat calamitas ; non tantum ullam in tam infesto , & praecipiti malo sanctam adhuc esse medendi legem ; verum , etiam Medicos contra seipfos divisos de varia , & dispari curatione certare , & calumniari invicem . Sunt siquidem dissimiles adeo circa curationem Variolarum , ipsarumque tractandarum rationem quorundam opiniones , ut quid praestari debeat tali morbo laborantibus per omnium ordinum homines ignoretur , aut saltem haesitatione , vel timore exequatur . Quod profecto , neque contemptum Artis , neque admirationem hominibus sano iudicio praeditis excitare deberet : multae siquidem , ac propemodum infinitae sunt Naturae operationes , & rerum essentiae abditae prorsus , & obvolutae caligine ignorantiae , quas revelare humanae menti nequaquam possibile est . Cum itaque in rerum universitate , & praesertim in humani corporis morbis paucula admodum detecta sint , plurima verolateant in obscuro ; eo quod difficile factu sit Veritatis faciem revelare ; ego nihil faciam amplius , quam inquisitionem rei procurare ; labore certe ipso , nunquam tamen praemio contentus . Quae iam leviter attigi ,

vo-

vobis tradita fuere ad quamdam generalem informationem morbi, & custodiam: modo vestrum animos, mentesque revocare placet ad eiusdem magis praecep- tuam notitiam, ut inde rationi congruentem medellam vestris aegrotantibus adhibeatis. Et hoc melius me quidem facturum sum arbitrat- us; si quem paulo ante proposui dicendi ordinem, hodie servarem: revocando vi- delicet ad examen hac Dissertatione secun- da materiam Variolarum, earumque defi- nitionem: Quae hunc finem respicere mihi videntur, protestor nullo audere me profer- re magisterio: verum edicere, ut quid ipse muneri serviens tantula ratione mea excogitaverim, intelligatis. Quocirca si ali- quid haurire posse speratis, quod vestram soletur discendi cupiditatem; anteceptam animis memoriaeque infixam nobilem illam per vos iubeo teneri sententiam: nullius mor- dicus tuendum dictum: nullius standum opi- nioni: nullius nomini, & famae, & auctori- tati deserviendum: verumtamen, ut Sapien- tissimus dixit Plato, *parendum dictis, & eonsque tradita praecepta servanda, quoadusque in- terris appareat sacratior aliquis, qui fontem omnibus veritatis aperiat, quem denique se- quantur omnes.*

Ma-

Materia Variolarum in corpore humano, si placeat adherere consilio antiquorum peraeque ac recentiorum ; reponenda est in sordibus materni sanguinis, quo alitur foetus in utero, minime per consuetas evacuationes expurgati : etenim qui priscis praesertim temporibus Medicinam cum laude, & existimatione fecerunt, arbitrati sunt talem materiam acquisitam a foetu, & in ipsa accretione suis fuisse adiectam partibus, sequestratam tamen, tanquam superfluum iuxta cutem, & longe a nobilioribus membris : & dixerunt istam materiam necessario reperiri in omni foetu : quia embryo non sit nutritus sanguine tam laudabili, ut non aliqua ex parte ipsum inficere non sit aptus : & ideo nullum esse a tali immunem morbo, qui suam traducens originem ab ipso embryonis alimento quasi naturalis, & insitus, & ipsi naturae coniunctus, nullum a tali immunem aegritudinis lege relinquit : & addiderunt insuper, quod quantum alimentum illud fuerit immundius, & excrementis abundantius ; tanto Variolarum materia copiosior, & ad inficiendum sit aptior : quare feminae, quae in menstruum tempore concipiunt, vel paulo antequam menstrua compareant, Variolarum tunc temporis materia fiat

fiat copiosior , & maiori congeratur quantitate , eaque dum foetus adhuc in utero sit non laedat , quia paulatim accumuletur , & huic infecto alimento ipse foetus assuescat ; unde ab illius malitia per id temporis haud laedatur , quia sint eius membra virtute ad expellendum debilia ; itaut Natura imbecillis , nec ipsam conetur expellere : neque Materia valeat ad expellendum irritare Naturam . Post exitum vero foetus ab utero , cum materia Variolarum per non sanum alimentum vel nutritis , vel cuiusvis alteriusmodi , vel per alimentum vitiatum aëris accreverint , en quod lacerata Natura a tali multiplicata materia commovetur , ac agitur , & in exteriora depellit ; ad corpus ex ea purgandum : & hanc dixerunt esse rationem quare corpora , in quibus tardius , vel ocyus ipsa augmentatur materia , ocyus , vel tardius talem patiantur aegritudinem .

Dubitarunt quoque veteres Medici num foetus in utero nutrireretur ab illo sanguine non purgato : & licet fuerint qui crediderint ex tali sanguine ipsum sustentari , & augeri ; nihilo tamen minus inter eos fuisse , qui minime tali crescere nutrimento foetum ; quinimo eundem nullo modo vivere posse si huiusmodi nutricaretur impuro ,
san-

sanguine : sed tamen pura tantum , & integra illius parte ali debere dixerunt . Atqui cum nullus sit sanguis , quantumvis salubris , qui per impeditas purgationes , non plurimis inficiatur sordibus ; ideo embryonem ab ipso aliquam suscipere , & pati debere infectionem asseruerunt , quae deinde mensium , & annorum successione manifestetur . Eoque magis per talem sententiam huius morbi necessitas exsurgit urgentissima , cum sciamus feminas sanguine menstruo non rite purgatas plurimis , & quasi venenatis scatere particulis , quae saepe difficiles , & longos pariunt morbos . Quapropter cum alimentum foetus necessario talibus abundet impuritatibus : neque his per insensibilem transpirationem sufficienter purgetur (feminis siquidem transpirationis beneficio aliqua ex parte fraudato alterum supplet menstruarum purgationum) videtis quam rationalis illa fuerit ab antiquis Medicis assignata , & definita materia Variolarum .

Hae sunt antiquorum de materia huius veneni opiniones ; quibus novam aliam vel astruere , vel in medium asserre verisimiliorem , temerarium forsan erit : cum , praesertim experientia clarum fiat , venena quaedam (ut illud est canis rabidi) per dies,

dies, & menses, & usque annos delitescere absque eo, quod nulla alia contagione, corruptioneque contaminentur infecti: quapropter hoc Variolarum ad cutim praecipue sequestratum consistere & ipsum possit absque corporis iam affectu per annos iactura. Rationibus hisce adducti Medicorum recentiores antiquorum sententiae subscribere, & forsan inter hos, qui supra caeteros fama, & nomine inclaruerunt.

Mirum sane quod in re tam grandi, & Naturae mysteriis undequaque refertissima, a veterum placitis, & maxime Arabum Medicorum, plures ex nuperis non recesserint: cum praesertim antiquus Scriptor Cicero talia de antiquis Scriptoribus, & ipse dixerit: *Errabat multis in rebus antiquitas, quam vel usu iam, vel doctrina, vel vetustate immutatam videmus.*

Profecto quidem in materia statuenda Variolarum si non recedere prorsus debuerant ab antiquorum sententia, circumspeditione tamen erat examinandum, magisque accurata consideratione forsan intendendum, an iam dicta materia eadem sit atque ea, quae Morbillorum: & an quod facit Variolas sit tantum ipse infectus sanguis: & quod Morbillos, sit eiusdem tantum in-

festum serum. Hoc certum dispares hos & esse, & dici debere morbos, eorumque dissimilitudines ex differentibus causis esse, factas: & maxime si cuiuscumque attendamus modum exortus, & dissimilem invadendi modum, atque erumpendi: ita ut uniuscuiusque differentissima illa sit, & dici debeat materia, in qua differentissima nidulatur morbi natura, & essentia.

Talibus permotus rationibus, excogitare ipse coepi an sanguis non repurgatus, quo fuit foetus auctus, & altus, dici debeat materia Variolarum: an potius materia duntaxat Morbillorum; utpote qui in colore, & in rubore propius ad sanguinis essentiam accedant, & in tam celeri erumpendi modo: alia namque, ex iam dictis, statuenda mihi videtur illa res, quae Morbillos creat, & alia, quae Variolas: quare necessarium sit aliquam uniuscuiusque praecipuam, dissimilem, & individuam assignare, ac perscrutari materiam: & si ad impurum illum sanguinem contaminatumque, quo crescit foetus, & alitur in matris utero, materia efficiens Morbillos referri debeat; ad quam, nam aliam alter tam distans Variolarum, tam indispensabilis, & fere necessarius, uti qui Morbillorum, referendus esse videatur.

Quod.

Quod profecto examen, & quam inquisitionem cum Scriptorum plurimi praetermiserint, rei forsan difficultate perterriti; eo magis inquirendam arbitratus sum: quia in veritatis disquisitione, nisi plausum, veniam semper dicentis verba promerentur.

Ne tamen suspensio haereatis animo, neve ipsa dilatione praeveniat fastidium novae referendae opinionis; arbitratus sum materiam Variolarum illud ipsum esse accrescentis foetus nutrimentum, quod ab ipso foetu per venas lacteas assumitur, & solidis praesertim (uti proprietas est vasorum lymphaticorum, cuius generis, & ipsae venae lacteae sunt) eiusdem foetus partibus apponitur, & assimilatur. Certum siquidem, iam visum Anatomicis venas lacteas omnia perreptare intestina, omni-que ipsas repleri substantia, vel exfugere, quod in alimentum corporis cedere possibile sit. Quare docuerunt iidem elapsi seculi Anatomici, venas easdem per intestina tenuia disseminari plurimas; per crassa vero iam exsucta imminutaque alimonii essentia pauciores: easque reddito chylo ad sanguinis formam induendam aptiorem in receptaculum Pecquetianum exonerare sese.

Verum cum sit itaque, vel ad veritatem

tem hoc accedat propius, venas scilicet lacteas factas esse, sparsas, disseminatasque per Intestina ad exfugendum, atque exhauriendum. indefinenter quicquid corpori concedi possit in alimentum; videtis in accrescente foetu assumere ipsas debere multum ex eo, quod intra intestina ipsa continetur, asservaturque. Hoc vero quod inibi asservatur per omne tempus, quo foetus intra tunicam amnios natans libare serum illud incipit; quod est dum efformatus est totus usque ad exitum ab utero; cum caloris ope diuturnaue mora necessario accescat, & magis magisque exsicceetur in dies; videtis quoque, si mentis oculos advertatis ad motum illum contractorium, sive dicatis peristalticum, & circumpressorium; ipsis lacteis venis per omne tempus, quo foetus intra illam tunicam commoratur, & lambit, suppeditari debere ob diuturnam moram intra intestina factam, succum essentiae feri iam corrupti similem, acidum scilicet, acrem, salsumque: ita ut nihil aliud efficere lacteae venae possint; praesertim adulto foetu; quam ipsam, ut ita dicam, exsiccare siccitatem. Quod ita esse ipsa demonstrant excrementa foetus statim ac ex utero matris erumpit: dum quod ille excernit, pici-

ni-

nigrae, compactae, & exsultae simillimum e .

Huic opinioni , ex inquinamento a contentis faecibus intra intestina facto derivare Variolas ; ratio forsan alia non vana suffragatur , qua magis magisque haec mea confirmatur , & roboratur . Si libeat enim animum advertere , oculosque ad illam excretionem faecum , quae fit ab infante post assumptionem lactis : & ad alteram illam excretionem , quae ab ipso nuper nato consequitur ; videre licet , quod excretio faecum infantis nullam habet similitudinem cum excretionem illa , quae ab eo fit non adhuc fugente lac : excretio siquidem fugentis lac est materiei tenuis , & subflavae , & praeterfluentis : verum quae fit a statim nato , & non adhuc lac fugente ; compacta est , & viscosa , & nigra , & valde tenax : quapropter inferri iure merito debeat , quod si foetus lambens in utero serum ; alimentum scilicet respectu lactis subtilius , & tenuius ; faeces reddit nihilominus compactiores , nigriores , & viscidiores ; non aliam ob causam fieri , nisi quia lacteae venae , diuturna mora faecum , omnem exsuxere substantiam subtiliorem , illasque taliter exsiccare , ut nigrae picis induerent similitudinem : quare quod exsuxere alimonium , & dein-

deinde apposuerunt partibus foetus, corruptionem illam necessario exustarum faecum sapere debeat, & redolere.

Sicuti autem conveniens fuit Creatorem Sapientissimum, talem nutritionis disposuisse modum, & retentionis faecum intra Intestina foetus, ne ipsarum excretionem in alia loca, illa devastaretur, & corrumpereetur compages partium, quibus concluditur: ita fuit aequè conveniens, ut quod impurum alimentum praegnationis tempore partibus communicaretur, a partibus aliquando eliminaretur, & protruderetur.

Ad haec quaedam alia insuper addenda est ratio, ob quam nisi evincatur, existimare saltem probabiliter liceat huiuscemodi esse Variolarum materiam: etenim cum duo debeant stabiliri tempora gestationis foetus in utero, & per consequens eius duae nutritionis viae: alterum videlicet in quo per sanguinem matris tantum accrescat, & omnes partes perficiantur nutranturque: alterum, in quo cum iam sit efformatus totus, novum nutrimentum assumat, ipsique grandiusculo facto convenientius: & hoc est serum illud intra tunicam, a qua involvitur, contentum; quod etiam ab Hippocrate in eo libro, quem de Principiis inscri-

scribunt, sic declaratum est. *Puer in utero comprimens labra ex utero matris sugit, & tum alimentum, tum spiritum cordi intro trahit.* Et statim: *Si vero quis interroget quomodo hoc quis sciat, quod puer in utero trahit, & sugit; illi sic respondendum est.* Pueri nascuntur sterces in intestinis habentes; & ubi nati fuerint celerrime ventres tum homines, tum pecora exonerant. Atqui non haberent sterces, nisi in utero suxissent, imo neque mammam, statim ut natum est, sugere nosset, si non in utero suxisset. Videtis duas iure ac merito supponi, & constitui debere vias nutritionis foetus, & accretionis; quarum, prima cum ex sanguine nutriente, & aluente partes omnes tantum fiat; certum est quod si sanguis maternus impurus fuerit, impuritatem illam partibus quoque, foetus communicaturum; & haec forsan erit illa impuritas; a qua per Morbillos vindicat se, absolvitque Natura. Cessare tamen haec mala nutritio ex parte materni sanguinis deberet dum altera via nutritur foetus; quando scilicet libare incipit iam dictum serum; non quod penitus deficiat tunc temporis prima illa nutritio, quae sanguine materno operabatur; veruntamen longe imminui eandem dicendum, nihilquo forsan.

forſan aliud ſuppeditari a ſanguine, quam illius ſtillicidium in ſtomacho foetus, quare libato ſero nutritionis, & alimonii tribuat poteſtatem : & quamvis dici poſſet vitium materni impuri ſanguinis tali quoque pacto communicari debere ; cum ſerum illud a ſanguine promanet, unde venenum illud obfirmatum in materno impurgato ſanguine debeat ſero lambendo participari ; nihilo tamen minus enervari prorſus in ſtomacho foetus tale venenum exiſtimabunt, quibus in pretio eſt illa Experientia noſtri Franciſci Redi, qua veneni Viperarum ingeſti ipſa vis, alias horribilis, deleri penitus, & extingui per vim aliam, virtutemque naturae, ſtomacho inſitam, declaratur. Quapropter cum Naturae ipſius providentia, & benignitas incredibilis hac in re miraculo ſimilis appareat ; vigere eandem ſimiliter in tali opera digeſtionis ſeri, licet vitiati in ſtomacho foetus, dicendum videtur.

Separari in ſtomacho per glandulas in omnem ſuperficiem internae ipſius tunicae confertim inſtratas humorem ſalivae ſimilem, iam declaratum eſt ; qui humor per praeciſam glandularum conformationem illius Principii virtutem retinere arbitror, per quam animal exorditum eſt. Etenim, eſſi
cre-

crediderint quidam admirabiles illas nervorum propagines undique in stomachum dispersas, tribuere & ipsas posse aliquid liquidi illius, quod in nervis contentum est, quodque immixtum cum eo, quod ab arteriis separatur, primum coctionis opus peragat : iis tamen nervis referendam potissimum censeo vim praecipue contractivam, quae tanta est, ut adiecta proprio stomachi acido animalia ossifraga durissimum, & coctioni obstitentem cibum in fluidam brevi convertant substantiam : & censeo talem succum dumtaxat ab arteriis destillare ; utpote qui existimem contineri tantummodo intra arterias elementum illud, per quod animalis stamina exordita sunt, quodque faciat, ut omnes operationes eiusdem animalis peragantur : & hoc si velitis appellare primum agens, recte dicetis ; fuit enim, & est ex quo cuncta in motum aguntur, & actus suos explicant : & si placeat dicere principium, non errabitis ; fuit enim, & est, eius in quo est, causa, origo, & primordium : & si arrideat dicere naturam, optime dicetis ; fuit enim, & est, a quo ea, quae animalis sunt, nata omnia : ipsumque abire arbitror, & asservari in sanguine posteaquam quascunque animalis partes perfecit : & censeo in corde restaurari

G

con-

continenter per omne vitae tempus, ita ut stomachus hoc principium ab arteriis sibi affusum, participatumque, impartiatur cibo; qui deinde, ope iam dictae contractivae virtutis nervorum, praecipuam coctionem suscipiat. Haec vero res, quam Naturam dico, seu animalis principium; ut ubicunque flueret, reflueretque; in sanguine iam efformatis partibus abire, & disseminari conveniens fuisse apparet: sicuti & hoc ipsum principium in stomacho per arterias a sanguine destillari, & inde in universo animali, quod animalis vitae est, quodcunque opus efficere.

Hanc opinionem veritatis aliquid retinere liquet, si considerare placeat, arterias in eum finem factas, ut per ipsas humores, cuiuscunque speciei partes singulas corporis, non solum pervadere, sed intimius quoque penetrare possent, & permanere. Quod si tali sanguinis fluxu, & circuitu partes singulae totius corporis alluantur; intimae quoque stomachi glandulae tale beneficium sentire debent, unde spirituosior pars sanguinis per exilissimos glandularum canaliculos insinuetur, indeque coctionis maxime tempore, quo omnes stomachi distenduntur partes, secerneretur facilius ad cibi macerationem. Magna siquidem velocita-

citare traducto ad glandulas stomachi per arterias sanguine, non tantum qui humor est separabilis illic separari debet, verum etiam illius principii retinere vim, seu naturam, quae per omnes partes sanguinis manat, & funditur. Et haec est illa ipsa Naturae tanta facultas, quae alicuius veneni aliquando praecisas ipsas vires validissimas, quadam praecipua partium eiusdem veneni conformatione insitas, deformare penitus valeat: non valeat tamen obviare sese infectioni exurgenti ab impuro exsucto a lacteis venis alimento; eo quia, cum aliqua ex sui parte sit necessario dissimile, & inconueniens naturali, debitoque; tamen ex necessitate apponitur & insinuatur: quod insuper cum neque transpirationis lege amandari a Natura possit; infigitur, & magis magisque ipsa mora sequestratur in partibus.

Quod vero huiusmodi fuerit alimentum, Variolarum ipse declarat morbus, qui profecto per hanc sententiam mitis esse debet, si mater convenientibus vescatur escis illo tempore, quo gerit utero foetum: sin vero acribus, & absurdis, & nimis multis; tunc fieri debet, ut Variolae multae, malaeque qualitatis erumpant; morbusque

sit vel prorsus lethalis, vel faciem excarnificent, & effodiant, materiamque producant saniosam, & foetidam, redolentemque interdum illas ipsas faeces, quas foetus statim ac natus evacuare solitus est.

Abfit cuicunque dolere, & conqueri Creatorem sanctissimum, sapientissimum, providentissimumque tali etiam modo accretionem ordinasse foetus in utero: vituperandum tamen matres quasdam infectis, & austeris cibis vesci solitas; eo magis contribuere, & cooperari vitiositati alimoniae foetuum: unde posthac nati, vel a Variolis combusti, vel tali a matribus ipsis quaesito philtro consumantur.

Nec illa quoque obstat obiectio, nobiliora viscera, aequae ac externam cutem, ex male appposito alimento ruinam percipere debere: nam praeterquamquod a dissectione cadaverum innotuerit hoc factum aliquando fuisse; necessitas tamen operis erat, quod forsan prope glandulas, praesertim cutis, & loca ad expurgandum tale vitium, & corruptum alimentum commodiora; ratione conformationis partium, & ratione figurae, & qualitatis materiei, ipsum Variolarum constitutum a praesentiente natura segregaretur, vel illis proxime infigeretur.

DE-

DEFINITIO VARIOLARUM , quae ex tali examine debet consequi, huiusmodi proponenda est. Quod scilicet sint alimentum indecens humani foetus, cui accedente tum inde externa simili per aërem serpente illuvie; a natura per fermentationem, & ebullitionem dissolvitur a partibus, & sequestratur in pustulas.

Nomine alimenti id omne debet intelligi, quod particulis quibuscunque corporis admoveretur: quare sit Naturae ipsius subsidium ad illas sustentandas, & restaurandas. Huius duae videntur esse species, quarum altera dici debeat alimentum, decens, vel alimentum indecens altera. Alimentum decens sit & conveniens, quando principiis, & componentibus rerum sit appositio similis, vel fere similis aliarum rerum: indecens vero, & inconveniens, quando talis fiat novarum particularum ad principia appulsio, quae non omnem habeant cum prioribus, & naturalibus similitudinem: & quae pariter, etsi prorsus inutiles, vel nocentes, insigantur tamen ipsis, & adiungantur, eo quod aliquam habuerint iam cum eisdem proportionem, uti est materia Variolarum: vel quae sit nec utilis, nec nocens, & insigatur similiter; uti sunt lentigines quaedam-

damque diversae materiae, quae infixae cutem externam, & forsan internas quoque corporis partes absque noxa, & laesione diverso inficiunt modo.

Vtinam, Auditores, fieri posset, ut sicuti corporis oculis tam in hominibus, quam in animalibus ceteris, & plantis accretionem videmus; ita mentis oculis intropiceremus, quomodo talis fiat a Natura partium novarum appositio, & veterum restauratio.

Neminem latere arbitror, cunctas res creatas a sapientissimo artifice Deo, vel assiduo ferri motu, vel intra seipsas motum pati: eapropter affirmarunt rebus omnibus quietem integram fuisse denegatam, nihilque ex solidissimis metallis usque, & lapidibus magis compactis extare, in quibus tractu temporis aliqua nova non appareat inclinationis, & conversionis facies: & sive hoc fiat per ipsammet rerum intrinsicam agitationem; quare particularum componentium transmutatio quaedam exurgat: sive per materiam illam tenuissimam, & velocissimam aetheream, quae omnium rerum porositates pervadens, substantias ipsas commovet, atque exagitat; sive alia quaecunque illa sit motus lex, qua inanimata

mata

mata ipsa omnia continue moventur, & conteruntur; certa infertur haec ratio, quod si inanimata ipsa (pace dixerim illorum Philosophorum, qui animam rebus quibuscunque tribuerunt) detrimenta temporis sentiunt, & intrinseca collisione disturbantur, extrinsecoque indefinente pulsu demoliuntur; multo magis animalia, & homines experiri debent miseram hanc necessitatem, ob quam, etiam absque ulla extrinsecus adveniente causa, verum ex sola ipsa actione invicem, & passione principiorum, & componentium, deficere minutatim debent, & interire.

Vt tamen ineluibile patrato scelere mortis illa explicata fuit lex, & nihilominus Creatoris infinita charitate tempus assignatum, & praesignificatum, in quo vitam traducere possent homines, si nulla ab iis fuisset iniuria illata Naturae; ita ab ipso vitae exordio ad usque terminum, parata fuere alimoniorum subsidia, quibus ea, quae quotidie deperderentur, quotidie repararentur.

Verum enimvero quo modo hoc fiat, praesertim in homine, arduum est investigare. Fuere siquidem inter Philosophos veteres (ut rem a sua origine repetam)

petam) qui minime intelligentes quomodo in huiusmodi victu , aquae scilicet , & panis , alimentum inesset conveniens capillo , venae , arteriae , nervo , ossibus , & partibus ceteris quibuscunque , dixere , inesse quidem in hoc alimento particulas convenientes , & unde talis fieret accretio partium : veruntamen mente videri sola , sensumque omnem refugere . Huius sententiae auctor , vel magister ille fuit Anaxagoras , qui multo ante Aristotelis tempora floruit , quique in Physicis speculationibus fuit excellens , & Euripidis , & Periclis , & Socratis praeceptor .

Particulas illas minimas , rerum omnium prima componentia , *primigenias* appellavit Plato . Aristoteles vero illas dixit *similares* ; hac eadem usus appellatione , ut & Anaxagoras , qui non intelligens , quam ratione fiant , quae per alimenti assumptionem procedunt , & quam ratione iam facta disperdantur ; unam rerum omnium Mentem , & effectricem Causam , a qua cuncta dirigerentur , & ordinarentur , posuit : quare Plutarchus Philosophus nobilis , viri illius hanc opinionem referens , tali , solidaque ornat laude , dicens : *Hic approbandus est , qui materiae artificem adiunxerit ,*

Ga

Galenus, qui Plutarchi vita exacta vixit; iam dictis alia addendo, & alia excerptendo ab antiquioribus sapientibus, ac veluti propria depromendo; virtutem verbi, & significationem vocis huius *similaris* Lib. 1. Methodi declaravit sic dicens: *Deus est illa sicut in hominibus natura; prout sensit Homerus: quae familia similibus adducendo, divinas eo pacto suas virtutes ostendit.*

Ingenia recentiorum Philosophorum, tanto licet seculorum fluxu, & intervallo, minime suffecisse ad constituenda, & demonstranda Principia rerum, & componentia; quamvis accesserint insequentium temporum tot, tantaeque excogitatae suppetiae: ita ut haec ipsa Principia, uti Anaxagorae temporibus, ignota adhuc sint; confessus est Gassendus, vir profecto ingenuus, & eruditus, & Philosophus, in Cap. secundo, qui est circa temperiem, & valetudinem animalium, ita loquens: *quod subtilizare quidem liceat praeter ista corpulentiora, atque crassiora elementa, esse longe incorporatiora, subtilioraque alia, quae sensum omnem fugiant; ac praesumere nihilominus, gloriarique non liceat, posse ex illorum supposita extantia, aut percipi, aut declarari,*
H quis-

quisnam sit mixtionis temperationisque ipsorum cum ceteris modus ; aut qui facta ex ipsis temperiet sit facultatum proprietatumque consequentium origo, & radix . . . videri nos non aliam ob causam Naturae arcana, seu naturas rerum, germanasque causas tot effectuum, proprietatum, facultatumque admirabilium ignorare, quam quia sensibus destituimur, quibus praecedentibus intellectus, sua acutie, principia huiusmodi deprehendas, assequatur, perlustret, inspiciat. Quos profecto rerum effectus, quas actiones, quas proprietates deminamur, corporeae conditionis sunt ; quare & principia habent corporea, quae si possemus detegere, tum naturae fores paterent, ac omnia illius arcana plane prorsumque perspiccerentur.

Principiorum itaque, & componentium in rebus omnibus, & praesertim in corpore humano cum nesciamus essentiam praecisam, ac individuum ; eorundem quoque nescire debemus successivam illam reparationem ; qua languentibus, & deficientibus primis, nova semper administrat, apponit, substituitque Natura : quare partium exsurgat alimentum, & fiat. Cum tamen hoc evenire certum sit, incertus vero huiusce rei modus, ordo, ac ratio ;

eo.

eo magis convenit ingenii vires intendere ad aliquam inquisitionem veritatis persequendam : quod profecto nullo meliori consilio, quam rationabili ipsa coniectura potest effici.

Est autem coniectura rei latentis indicium, & id, quod quis per rationes, & tempora, & signa, & huiusmodi conicit; idest cogitat, & colligit. Rationes vero, quibus per iam dictam coniecturam tam grande Naturae opus possit in animante perfici, non aliae mihi esse videntur, quam Principia ipsa, & componentia, quibus, uti superius iam dictum, indita sit ab eadem Natura magnetica quaedam facultas, ob quam noviter quae ingesta, similibus iam pridem existentibus copulantur, apponanturque.

Verumtamen cum sit haec non potior in Animalis operatio; secundaria tamen, & quae alterae primaeque famuletur; adiungere convenit hisce Principiis agens quoddam primum, quod est proprius cuiuscunque creatae rei spiritus, qui animans incitansque ipsa Principia, virtutem illis impartitur assimilandi sibi ipsis aequalem, germanamque materiam; ita ut quae indeficienter consumuntur, indeficienter itidem resarciantur.

H 2

Hunc

Hunc spiritum (etsi sparsum in universo animali) confluere tamen in stomacho verisimile est, inibique destillare per glandulas, sive per extremitates vasorum, quibus undequaque vestitus, & circumscriptus interius est stomachus; ita ut quod hic separatur, sit quaedam substantia tenuis, & spirituosas, quae cibo primum immixta, sui faciat eum redolere, induereque naturam. Sunt etenim glandulae, quemadmodum primus declaravit Hippocrates; *rarae, & pingues, & neque carnes sunt reliquo corpori similes, neque aliud quid simile corpori; sed friabiles sunt, & venas multas habent: si vero disseces, sanguis largus erumpit specie albus, & velut pituita. Tangenti autem velut lanae apparent: & si multa vi ipsas digitis compresseris, glandula humorem oleosum remittit, qui & ipse conteritur ut plurimum, ac disperit.* Illam autem substantiam spirituosam (ut quae dixerim exstilmare me iterum referam) unde cibus eiusdem modi indolem acquirit; adipiscitur stomachus a spiritu sanguinis ab arteriis illi effuso: quare cibus tali imbutus spiritu, cum deinde magis magisque perficiatur in aliis partibus ad illum integre coquendum destinatis; institutioni corporis fit aptus: & hac ratione manifeste-

festum fit quam sapienter idem Hippocrates dixerit: *principium corporis nullum esse; sed omnia similiter principium, & omnia finis*. Tali siquidem natura spiritus arteriosi affectus eibus, chylum gignit similem habentem naturam; & ex chylo iam confecto novus reproducitur sanguis: a sanguine nervosus spiritus, ceteraque exoriuntur liquida; quae omnia primigeniam illam essentiam sapere debent, & continere. Veruntamen, nec liquida ipsa sola tali affici ingenio debent; sed & partes solidae omnes per appulsum praeterlabentis sanguinis eodem debent beneficio gaudere naturae, itaut, sicut edixit Hippocrates, circulo facto, vel ipsa circulatione, exordia nutritionis, & alimenti partes omnes assumant a stomacho, primamque illam stomachi affectionem referant: & ita fiat *Confluxio una, conspiratio una, consentientia omnia: etenim principium omnium unum est, & finis omnium unus, & idem finis est, atque principium*: eo quod ubi definit, iterum redeat, & in se revertatur Natura. Videtis hic, Auditores, quam sapienter celeberrimus vir ille antiquitatis artificium rerum, & Architectum fuerit demiratus, de eo qui simili, parique ordine cuncta

con-

construxit sic dicens: *inchoata perduxit ad finem propere: rursusque a fine reflexit ad initium: e plantis enim fit fructus, tanquam e principio finis: & e fructu semen intra se denuo plantam continens, tanquam e fine principium.*

Quo nam vero modo partes corporis omnes oeconomiam illam, siue distributionem, siue appropinquationem alimenti percipiant, difficile est subsolvere; & praesertim quia non possit haec quocunque vitae tempore eadem ratione fieri, eademque mensura. In foetu enim [ne ab hoc longe diffuam argumento] cum duo debeant determinari tempora nutritionis; alterum scilicet, in quo minime valeat lambere contentam intra tunicam, qua ipse est involutus, humiditatem: unde fiat quod a materno tantum sanguine sustentetur, alaturque: & alterum, in quo potens sit ad serum ipsum exsugendum; videtis quam difficile sit dividere, & partiri secundum diversum modum se nutriendi, diversum illud, quo alitur alimentum.

Ipse, ut vera fatear, cum opinionibus vel meis, vel aliorum assentiri hac in re debeam, eo quod oculis credere nequaquam possim; arbitror alimentum in ute-

pro foetui accommodari debere eodem prorsus modo , quo illi extra uterum , & iam crescente accommodatur . At quis est , qui non sciat a Sapientia divina edoctus , aquam , & panem vitae hominis esse initium ? Cum vero infantiae tempora excesserit , fueritque factus puer , delectatur fructibus , & deinde in dies adolescens duriores exoptat victum , usquequo carnes , & ipsarum ius , quod earundem habet rationem (& unde forsan a Latinis deducta est vis illius nominis) in sui alimoniam assumat . Si itaque foetus deinceps accrescens exoptat nutrimentum accretioni conveniens , per quod partes leniter , ac sensim obduratae , sensim ac leniter adaugeant ; videtis foetum sui initio aliquid tantum delibare a sanguine matris debere , & usquedum grandiusculus factus alimonium lambere incipiat , quod scilicet ipso iam nato lactis suctionis fuerit rudimentum .

Credibile tamen etsi fiat , talem foetus exordio modum nutritionis fuisse a Natura ordinatum ; adhuc tamen ea obversatur menti obscuritas , atque caligo , ob quam difficile intelligitur quonam pacto fiat illi primo tempore , vel iam adulto , partium

nu-

nutritio, & conservatio: illaque viget semper Anaxagorae difficultas non intelligentis, qua nam ratione cibus assumptus, & vel ipsa sola aqua, & panis in alimentum omnium eius partium distribuatur; ita ut capillus particulis sibi congruis gaudeat: ossa particulas sibi ipsis conformes deligant: cerebrum, & spinalis medulla similes alliciant: eodemque ordine nervi, & venae, & cuiuscumque diversae corporis partes reliquae ex cibo tam simplici tanta particularum varietate denuo vestiuntur, atque reficiuntur. Quae omnia, etsi a praecipua materia, partibusque nutriendis conformes, & a vi efficaciaque illius spiritus, quo est foetus ornatus, fieri debere dicendum videatur; via tamen, & ratio, unde talis fiat per materiam, ac spiritum accretio in via, ut dixi, humanae menti profusus est, omnique destituta ratione: & supra difficultatem Anaxagorae stat hoc antiquius, & semper venerabilius Ecclesiastici dictum, quo hominum circa quascumque res confringitur quaesita quaecumque, & conteritur sapientia. *Quomodo ignoras quae sit via spiritus, & qua ratione compingantur ossa in ventre praegnantis: sic nescis opera Dei, qui fabricator est omnium.*

Cum

Cum autem Philosophus ille materiae artificem adiunxerit ; placet mihi eruditionis tantum, & studii gratia, tam grande mysterium adire ; non ut illud interius perscrutari audeam ; verum ut admiratione raptus, profitear libere ignorantiam meam, quam profecto superare non potero, nisi cum ex ineffabili, quam spero, bonitate, donetur supremum Opificem secure diligere ; & venerari ; & in lumine eius, cunctarum rerum patrem, & lumen ipsum aeternum intueri.

Fingo itaque (quia nec quid clarius, nec quid verisimilius curta supellex mentis meae mihi praestat : & quia, ut dixit Cicero, *cum mens nostra quidvis videatur cogitatione posse depingere*) quod cum per illa creationis exordia divinae vocis semine, rerum naturae omnium, suis inclusae feminibus, & seminatae diverso fuissent ordine ; quibuscunque rerum naturis praecisa fuisset inserta vis, qua ipsarum unaquaeque in reparationem sui generis uberius assurgeret ; illamque vim fingo simul esse, & dici debere Naturam. Quantum vero tantula sit res illa, & causa, in quam, & ex qua tanta includitur, & excluditur vis ; ab exemplo minutulorum seminum procerri-

I
marum

marum arborum deducere quisque potest: id vero quod est in tantula, exilissimaque parte grani seminis, & vi sua facit, ut secunda sint semina, est, vel apparet quod sit feminatarum, & seminandarum rerum natura, quae in semine latens, a semine, quod in duas partitur partes, recreatur extolliturque. Fiunt autem hae duae partes, ut in terram iactum est semen, terrae, & humoris beneficio, veluti turgescerent mammulae, quae alimentum praebent, unde ipsa natura seminis erumpit, ac germinat: & haec, quae arborum videtur esse ratio seminum, simili proportionem, aliarum rerum omnium seminibus potest aptari.

... At posito talem esse, & dici debere Naturam, perscrutari modo convenit quonam pacto in animalibus, & in homine praesertim, talis operetur vis, & quomodo ad illorum alimentum, & sustentationem ipsa manat, & funditur.

Robertus Boyle, ut eo maxime utar auctore, qui primus post Hippocratem, ausus est intimius penetrare Naturam, quique summis laudibus exornavit praeteriti aevi nostrates homines, qui Academiam illam frequentabant, Academiae circa Experimenta reliquarum omnium

ma-

matrem, a Magno Duce Ferdinando secundo, virtutibus quoque regiis inter ceteros aetatis suae principes nobili, fundatam, & sustentatam; in eo libro cuius ipsa Natura est titulus, pretium verbi exploravit, & qua potuit meliori demonstratione tam ineffabile universi miraculum sectione quarta significavit: innuens, praeter alia, Naturae vocabulo nihil aliud, communiter loquendo, interpretari posse, quam id, per quod *corpora apta sunt, quae agant in se mutuo, patianturque a se invicem iuxta statas motus leges.* Qua demonstratione, cum nulla ex allatis omnibus, quae talem tantamque virtutem ipsius Naturae explicet, inveniri possit melior, & aptior, omiſſis ceteris omnium Philosophorum, auctoritati, & argumentis tanti viri libenter subscribere ipse deberem [sunt enim Florentini ab ipsa natura, sive studiorum, sive altera magis explorata honestatis ratione, coniunctissimi Anglis: neque vir ille altissimus, cuius viget hodie, & ubique terrarum sapientia veneratur, & colitur, quique primas inter Philosophos tenet Nevvtonius, aliter dici debet, quam nostrorum temporum Galilaeus: sicut suis praetergressis temporibus fuit Galilaeus

Nevvtonius & ipse.] At cum latissimum, & profundissimum sit ipsius Naturae pelagus, cymbulae quoque mentis meae locus erit, quo plenissimis velis excurrere, & navigare possit oratio: & utar verbis, quae ad declarandum conceptum sermonem convenientia videntur, & apta, dicens primum. Naturae vocabulo in plurimis rerum generationibus (ut quae iam dixerim ad clariorem intelligentiam denuo repetam) nihil aliud interpretari debere, quam vel id, per quod in suo genere intelligitur aliquid esse: vel interpretari debere vim praecisam resultantem a praeciso spiritu initio creationis rebus ipsis ingenerato, insitque praecisae materiae a Creatore. Quamobrem, & vis earum resultet a spiritu, vel spiritus sit illa ipsa vis, quae dicatur, & dici debeat, Natura: quare alimentum apponatur partibus per principium illud, quod & seminibus rerum implantatum est: sive per rei cuiuscunque Naturam, quae id, quod sibi simile est, asciscit, & appetit; quod vero dissimile, repellit, ac respuit: itaut quaecunque rei Natura sit illud Principium, per quod unaquaeque res nascitur, crescit, germinat, & similem procreat: & tam in na-
scen-

scendo; quam in crescendo, & germinando, & procreando unam semper servat regulam eandemque.

Huic Principio in tantula, & exilissima parte seminis residente, quod insit ipsa rei Natura, minime dubitandum: verum cum se explicaverit in germen, quodcumque illud sit, & fuerit omnibus germinis affusa partibus; qua in parte cubet potissimum praecipueque moretur, difficile non est investigare, si arrideat illam omni sapientia redundantem tenere Hippocratis sententiam, talia in libro de Humoribus asserentis: *Quemadmodum arboribus terra; ita animalibus ventriculus; & nutrit, & calefacit, & frigefacit.*

Verum, ut alimenti haec distributio intelligatur commodius, quomodo scilicet animalia percipiant a ventriculo prima beneficia Naturae, cogitemus oportet, quo nam modo e terra nascentia & ipsa alantur, & crescant. Et hac in re praemittendum videtur patentissimum hoc exemplum: quod si apud aliquem sit vas aliquod, seu terrae receptaculum, ubi herbae diversae speciei, diversaeque indolis, uti lactuca, matricaria, endivia, ruta, &c. fuerint seminatae, procul dubio est, quod debito temporis

poris progressu nascuntur, & adolescent, & illarum unaquaeque, quamvis diversae indolis, & naturae, intra illud terrae receptaculum radices habebit suas cum radicibus ceterarum intertextas, circumretitas, implicatasque : quae, etsi uno alantur omnes humore, eademque terra contineantur; nihilo tamen minus erit, & quae in caloris facultate, & quae in frigoris alias exsuperet, quaeque ab alia sit in alia facultate superata. Quae omnia praesertim fiunt, ac fieri debent a disparili illa aspiratione naturae, quae disparili modo cuique differenti inserta semini, quod secundum praecisam naturam seminis est, tam ab aëre, quam a terra, & humore assumit, & in alimentum suae praecipuae generationis convertit, cetera respuit, aliisque concedit.

Quod tamen haecenus dictum est, non adhuc explicat intimissimum illum agendi modum, quo utitur Natura in exortum, ac sustentationem rerum, earumdemque accretionem : explicari vëro quodammodo mihi videtur, si dicam in partes seminis sparsam esse peculiarem materiam aptam animari a peculiari spiritu, illi vel intruso, vel communicato materiae seminis: quare unumquodque semen revera sit diversorum com-

componentium congeries conveniens ipsi rei, cuius est semen : quae componentia simul unita cum in sibiipsis decente matrice a spiritu proprio illisque inserto, vel attributo, agitari incipiunt, fermentari, ac rarefieri; distribuit, partiturque in gignendi actu spiritus ille materiam omnem seminis, & efformat rei procreandae parvulas minutulasque particulas: & deinde successive, quicquid ipsis componentibus simile est, ab aëre, a terra, & cuiuscunque matris humore ordinatim assumit.

Perbelle, ac elegantissime tam grande hoc Naturae opus declaravit Hippocrates in lib. quarto de morbis dicens: *Postquam comedit, aut bibit homo, corpus in seipsum, humorem relatum ex ventriculo, & fontes trahunt per venas de ventriculo, similis humor similem trahit de terra. Habet enim eodem modo terra omnigenas in seipsa, ac innumeras facultates. Quaecunque enim in ipsa nascuntur, his omnibus exhibet humorem similem unicuique, qualem & hoc ipsum, quod nascitur, sibi similem iuxta cognationem habet; & trahit unumquodque de terra alimentum, quale etiam ipsum existit. Nam & rosa de terra trahit talem humorem, qualem ipsa in potentia est: & allium de terra*
his

humorem eiusmodi trahit, quale ipsum in potentia est. Et alia omnia terrae nascentia ex terra trahunt, singula iuxta seipsa. Si enim haec res non ita se haberet, non nascerentur plantae similes seminibus. Cui porro plantae in terra cognatus humor multo uberior est, quam convenit, ea planta aegrotat: cui vero paucior, quam opportunum est, ea reficcatur. At si ab initio non insit terrae humor, quem planta iuxta cognationem trahat; ne germinare quidem poterit &c.

In hanc Hippocratis sententiam includitur, vel ab hac derivatus est recentiorum decantatus Magnetismus; per quem res omnes sibiipsis similia attrahentes, assevari, & cresci debere asseverant: & haec opinio acceptabilis profecto est per illos praesertim, qui firmiter credunt in rerum seminibus, & multo magis animalium, & hominum, diversas simul unitas esse substantias, quibus per affluxum circulationemque humoris, vel sanguinis, novae spiritus beneficio, reapponantur substantiae, a quibus, quae insitae, refocillantur, restauranturque. Quod tali pacto fieri debere, constanter arbitrari sunt, maxime accurrente ipsa aëris gravitate, quae ex omni parte urgendo, & incessanter premendo, al-

la-

labenti humori viam faciat, & ad circumlandum ipsum urgeat, impellatque. Eoque magis talis declaratur operatio Naturae, si rerum callidissimae, ac peritissimae culturae, & illarum maxime, quarum semina postquam iaciuntur in terram, & excaulescunt, denuo transferuntur in terram, advertatur animus: non enim, ut arborum praesertim radices extendantur facile, securiusque firmentur earum caudices, multo intus in fossae profunditatem aptari, & reponi convenit; implantari veruntamen debent circa ipsius superficiem, quo aëris beneficium sentiant, neque eadem radices terrae simul, & aëris gravitantis ponderibus compressae nimis remaneant: quare humor influens ramorum proceritati, & fructuum copiae abunde respondeat.

Rerum exordio perpauca quamvis hac mea, penitusque fracta ratione sic definito; addendum tum etiam necesse videtur, quod sicut exortae rei Natura, sive Spiritus, sive materialis Anima crescit quotidie, restauraturque, ac per aliquod spatium temporis in vigore persistit; ita deinde sensim, sensimque decrescit. Verum ipsa alimenti distributio per omne vitae tempus primis illis componentibus apponitur: ete-

K

nim

nim prima componentia talem rem , vel tale animal; excreſcunt & ipſa , ſuſtentantur, vel imminuuntur proportionem illa, & ſecundum meſuram, qua ſpiritus, qui eſt ſive rei, ſive animalis Natura, potens eſt ad rarefacienda plus, minusve componentia illa rei, vel animalis: unde eſſentiae externarum particularum, quae quoquomodo aſſumantur, & quae ſimilitudinem habeant cum eſſentiis particularum conſtituentium conſtitutiva, & principia ipſa rerum; per talem illam ſpiritus, ſeu Naturae energiam, ſuppeditare poſſint accretionis, & ſuſtentionis fomenta, quae tamen paulatim deinde deficiant; non ex parte rerum, quae aſſumantur; veruntamen vitio Naturae, ſeu ſpiritus, qui diuturna, irrequietaque debilitatus, & relaxatus opera, non ſit amplius ſufficiens ad ſuſtentandas, reſcindingasque particulas conſtituentes ipſa Principia componentia; ita ut haec fiant exucca, exinanita, & vigorem, gratiam, roburque omne tandem amittant.

Et ſicuti videmus evenire in orbe Terrae, in quam Solis orbis radios ſuos ſpargens impartitur lucem, quae lux parum facultatis haberet per ſe ſola, niſi taliter eſſet conformata, ut a Solis corpore, & dum trans-

transversum agitur, aethereum spiritum incorporaret; quem spiritum animam lucis esse, abunde patet: non enim eandem vim habet lux, seu radii Solis autumnales, sicut qui per vernum tempus diffunduntur; quamvis ipse Sol per illa tempora super faciem Terrae quadam statuta hora illucescat aequaliter. Vere enim tantum novo exaltantur germina herbarum, & arborum, reviviscunt frutices, in amoris furias, ignemque ruunt animalia fere quaecunque: & denique alligantis omnia hiemis tristitia dissolvitur: at per æstatem, & per nimios redundantemque calores, Naturae operationes, & rerum plurima germina vel subsident, vel contabescunt: ita ut ipsa intensior caliditas, lucisque immoderata potestas, Naturae vires rebus plurimis imminuat, aut frangat. Quod est indicio ipsi luci multo magis immixtam esse verno tempore salutarem vim illam, vitalemque per omnem mundum pertinentem, quae super faciem terrae accrescentibus diebus accrescat, eademque decrescat decrescantibus. Quod si sola caloris actione haec omnia perficerentur, uberius germinare deberent arbores aestivo, quam verno tempore, omnesque tunc melius excitari deberent naturae vires, & flamina.

K 2

Cum

Cum itaque radii Solis ipsa tantum, admixtione aetherei spiritus vegetare cuncta faciant, nutrant, atque sustentent: ipsique radii sua operatione peracta vieti remaneant, & imbecilles ad Solem, unde sunt digressi, redire propria gravitate cogantur, suoque forsan reditu induere novam aetheris, & ad solem referre virtutem; an non, & in animali, & in homine idem prorsus evenire dicendum? Dicendum scilicet sanguinem vividum ac rubentem spiritu cordis animatum, a corde pulsum; ac forsitán in aliquibus locis novo spiritu affusum, & denique in partes omnes corporis plus minusve dispersum, in easdem arteriarum beneficio proflire, ut congruis particulis, ad instar radiorum Solis; veluti supra est indicatum; componentium, & membrorum particulas alio in modum amnis turgescentis vi propulsae aquae, alio fluenti, vel rivi proportionem reficiat, atque restauret; eadem prorsus ratione, qua lignum, quod plantatum est secus decursus aquarum, & similiter frutices, virentesque circumdispersae, herbae, alluentium aquarum beneficia sentiunt, & gaudent; quae si deficiant vel in iisdem ob aliquam causam deficiat spiritus aquarum proprius, dissolvi illas, vel flaccescere

re necesse est : uti flaccescunt , & languent omnes partes per inopiam spiritus corrugatae , algentes , contractaeque , confectis hominibus senectute.

Hac profecto ratione ipse adducor , ut credam rebus omnibus , ipsisque animalibus in primis , tam multam esse necessariam , quantitatem aëris : quia scilicet non solum ab externo spiritu , internus rerum spiritus recreetur , & instauretur ; verum ut ex quavis natura particularum tantarum per ipsum disperfarum aërem , quae essentiae , componentium animalia , resque ceteras , similitudinem habeant cum essentiis omnigenis per aërem dispersis , inspirati aëris beneficio itidem restituantur : & adducor , ut credam , citiorem in corporibus Spiritus iacturam , febrium , morborumque omnium , & citioris senectutis esse causam , longioremque iuventutem traducere , qui nec praecipitanter perdere , nec nimis effuse dissipare spiritum properant ; etenim & arbores ipsae , quibus superveniente frigore decidunt folia , asservant adhuc , & supra suae speciei ceteras , quae praesertim , si fuerint paucis natae annis , proprio abundant spiritu ; ita ut per ipsum melius nutritionem eorundem protrahant , longiusque frondescant , & vireant .

Quae

Quae de modo alimonii, a quo cunctae res sustentantur, & homines, & de rerum spiritu ipse dixi, ab Hippocrate praesertim accepi, qui sicuti de rerum exordio, ita & de rerum interitu sapienter est alloquutus lib. de Natura hominis, in quo ad plurimum rudem stolidamque intelligentiam circa quatuor vulgata illa rerum elementa sese accommodans, haec ait : *Et rursus necesse est secedere singula in suam ipsorum naturam, homine moriente. Humidum nimirum ad humidum : siccum ad siccum : calidum ad calidum : frigidum ad frigidum. Talis autem, & animalium est natura, & aliorum omnium ; generanturque similiter omnia : & occidunt similiter omnia. Constat enim natura ipsorum ex his praedictis omnibus, & desinit iuxta praedicta in id unumquodque, unde est compactum secedens.*

Praeclarissimam hanc sententiam citatus auctor vel ab immortali, & rationali suo lumine hauxit, & accepit : vel eadem fere est, atque haec, quae legitur in Ecclesiaste. *Dixi in corde meo de filiis hominum, ut probaret eos Deus, & ostenderet similes esse bestiis. Idcirco unus interitus est hominis, & iumentorum, & aequa utriusque conditio. Sicut moritur homo, sic & il-*

& illa moriuntur: similiter spirant omnia, & nihil habet homo: scilicet circa suum esse materiale tam in exortu, quam in interitu; iumento amplius.

Sed ut eo redeat unde haec Dissertatio longe dilapsa est, in eaque declaretur tandem qua nam ratione alimentum foetus, non totum sit ipsi foetui proprium, quare processu aliquo temporis erumpat Variolarum morbus; necesse habeo, ut vestram iam depellam sitim, ab Hippocratis fonte inexhaustas rursus haurire aquas.

Philosophus hic suum cogitandi, & ratiocinandi modum ad rationem, qua utitur in agendo Natura conformavit, aptavitque; illis quamvis edoctus, & integre instructus; renunciens disciplinis, quibus hodie, novo docendi ordine, & maximo fortasse Religionis nostrae damno, placet educare adolescentulos: ita ut his eae proponantur artes, quae magis ad exercendum ingenium, quam ad illustrandum animum valeant. Philosophus inquam hic dum explicare studet, quomodo nam pacto primis illis rerum Componentibus apponantur denuo aliae particulae, quae cum illis iam existentibus eiusdem sint indolis: & dum ipso Naturae ordine, ac lumine opus
hoc

hoc perlustrat; a terra similiter exemplum petit, ac talia profert. *Quemadmodum ex terra nascentia, & in ipsam plantata, ac seminata, ubi in terram pervenerint, unumquodque trahit id, quod naturae suae familiare in terra existit (inest autem in terra, & acidum, & amaram, & dulce, & salsum, & omnigenum.) Primum itaque plurimum eius trahit in seipsum, quod sibi iuxta naturam maxime familiare fuerit, deinde trahit etiam reliqua. Etiam reliqua trahere foetum, praeter ea quae ipsismet eius componentibus maxime familiaria fuerint, in similem modum earum rerum, quae ex terra nascuntur, credibile esse videtur; & praesertim si accretionem illam insignem foetus consideremus per ea tempora, quibus in utero matris degit: quae accretio cum per vividam valentemque vim Spiritus foveatur alaturque; nihil mirum mihi videtur si particulis naturalibus per similes particulas accrescentibus, particulae quoque aliae etherogeneae dissimilesque admisceantur, & tenellimis, mollissimisque partibus eiusdem foetus simul infigantur: quae cum fuerint infixae, non nisi externo violento furentique pulsu, & magno deinde tumultu morbi, & ceterarum seditione*
par-

partium evelli a natura, & refelli possint.

Si alimentum tali ratione procederet
staret forsan definitio allata Variolarum:
& maxime si & materia ipsarum talis fo-
ret qualis a me indicata est: verum cum
de rebus incertis, & controversis ipse di-
xerim; contenti eritis hoc in loco iterum
referre me haec ipsa verba quae Cicero in
libro de Vniversitate grandia tractare au-
dens consignavit memoriae hominum sem-
piternae: *Si forte minus id quod habemus ani-
mo consequimur, ut tota dilucide, & plane ora-
tio exornata sibi constet, & ex omni parte
secum ipsa consentiat: haud sane eris mirum,
contentique esse debebitis, si probabilia dicen-
tur: aequum est enim meminisse, & me qui
disseram, hominem esse, & vos qui indicatis;
ut si probabilia dicuntur, nil ultra requiratis.*



5-4-47 2

03662315



ML



